

ओति, मुख्यमंत्री ह बेमेतरा जिला के नगर पंचायत दाढ़ी क्षेत्र म हाल म बने सीसी रोड के क्षतिग्रस्त होय ले गंभीरता ले लीन हे अउ किहीन कि ओ सीसी रोड के तकनीकी परीक्षण करके सही स्थिति के आंकलन करे जाय अउ निर्माण म लगे सामग्री, काम के गुणवत्ता अउ पर्यवेक्षण व्यवस्था के जांच करे जाय।

तुक्कु

जनगणना—दू हजार सत्ताईस के पहिली चरण म छत्तीसगढ़ संघरा छै ठन दर्ज म मकानसूचीकरण अउ मकान के गणना के काम काली ले सुरु हो गेहे।

प्रसिक्षित प्रगणक मन ह घर-घर जाके जानकारी सकेलत हे। इही कड़ी म जनगणना काम के पहिलीच दिन बस्तर जिला के तोकापाल तहसील के ग्राम गाटम म प्रगणक ह अपन काम पूरा कर लीस।

दूसर कोति, रईपुर नगर निगम क्षेत्र म जनगणना ड्यूटी म लगाय गे चौवालीस ज्ञन कर्मचारी मन ह गैर हाजिर रिहीन, जउन मन ल नगर निगम आयुक्त ह कारण बताओ नोटिस जारी करे हे। उहे, जशपुर जिला के प्राथमिक शाला सरहापानी के सहायक शिक्षक सत्यजीत निराला ल लापरवाही बरते के आरोप म निलंबित कर दे गेहे।

जनगणना के काम पहिली घांव डिजीटल माध्यम ले कराय जावत हे, जउन ह तीस मई तक चलही।

जि' [कुफुनक

राज्य सरकार ह अवैध रेत खनन म सक्ति तेज कर देहे। खनिज विभाग के सचिव पी.दयानंद ह रेत आपूर्ति करइया ग्यारा ठन जिला के कलेक्टर मन संग वर्चुअल बड्डका म स्पष्ट निरदेस दे हे कि अवैध खनन, परिवहन अउ भंडारण के खिलाफ जीरो टॉलरेंस नीति के कड़ाई ले पालन हो। ओमन किहीन कि रेत के आपूर्ति म कोनो कमी ज्ञन रहय अउ स्वीकृत खदान ले क्षमता के अनुसार उत्पादन करके आम लोगन ल उचित दर म रेंती देवाय जाय। प्रधानमंत्री आवास योजना के हितग्राही मन ल रायल्टी मुक्त रेंती दे जाय के निरदेस के घलो कड़ाई ले पालन करे बर केहे गेहे।

फ्टयि द! फवु!

प्रादेशिक समाचार एकांश, आकाशवाणी रईपुर डहार ले प्रस्तुत कारीकरम **फ्टयि द! फवु!** के प्रसारण काली संज्ञा छै बजके पांच मिनट ले छै बजके दस मिनट तक करे जाही। ए कारीकरम ल छत्तीसगढ़ के आकाशवाणी के सबो केंद्र रिले करही। ए बखत के अंक म **एकुकु+ज, क%- . पक!** जिला के संबंध म जानकारी दे जाही।

एकुकुय, यवु

केंद्र सरकार ह स्वदेसी तकनीक के उपयोग करत नागरिक मन ल आपदा के सूचना तुरते देबर सेल ब्रॉडकास्ट सिस्टम सुरु करे गेहे। ए प्रणाली के परीक्षण करे बर आज मंझनिया कुन करीबन बारह बजे मोबाइल म सायरन के संग एक ठन सूचना भेजे गीस।

परीक्षण के दौरान संदेश में लिखे रिहिस—सतर्क नागरिक, सुरक्षित राष्ट्र। ए संदेश परीक्षण बर हे, तेखर सेति जनता ल एमा कोनो प्रतिक्रिया दे जाय के जरूरत नइ हे।

केंद्रीय संचार मंत्री ज्योतिरादित्य सिंधिया ह सोसल मीडिया पोस्ट म किहीन कि ए संदेश ले नागरिक मन ल घबराय के जरूरत नइ हे, एहा भारत के नवा मोबाइल आधारित आपदा संचार प्रणाली के परीक्षण संदेश हे। ओमन किहीन कि एला दूरसंचार विभाग ह राष्ट्रीय आपदा प्रबंधन प्राधिकरण के मदद ले सेल ब्रॉडकास्ट तकनीक के उपयोग करके विकसित करे हे।

c1p&ek/

बलरामपुर जिला म सामरीपाठ थाना क्षेत्र म ग्राम भुताही म आज नदी म नहाय बर गे दू झन लइका मनके डूबे ले मउत हगे। मिले जानकारी के अनुसार पांच अउ छै बछर के दू झन लइका मन ह अपन संगवारी मन संग गांव तीर के नदी म नहाय बर गे रिहीन। इही दौरान दूनों लइका मन ह गहरा पानी डहार चल दीन। सूचना मिलते साठ गांव के लोगन मन मउका म पहुंचिन अउ दूनों झन लइका के शव ल नदी ले बाहिर निकाले गीस। पुलिस ह मामला के जांच करत हे।

u!V&+j!2kk

राष्ट्रीय परीक्षा एजेंसी डहार ले राष्ट्रीय पात्रता सह प्रवेश परीक्षा—नीट काली तीन मई के कराय जाही। एखर बर प्रदेश के सबो जिला म परीक्षा केंद्र बनाय गेहे। परीक्षा के सफल संचालन बर सबो केंद्राध्यक्ष अउ पर्यवेक्षक मन ल निर्धारित मानक के पालन निश्चित करे के निरदेश दे गे हवय। परीक्षा के बेरा मंझनिया दू बजे ले संझा पांच बजे तक रइही। परीक्षार्थी मन ल बिहनिया ग्यारा बजे ले मंझनिया डेढ बजे तक परीक्षा केंद्र म प्रवेश के अनुमति दे जाही। एखर बाद कोनो भी परीक्षार्थी ल प्रवेश नइ मिल सकही।

, k0\$!3y&ep

राजधानी रईपुर म अवइया दस अउ तेरह मई के होवइया आईपीएल मैच के टिकिट के बुकिंग काली तीन मई ले सुरु होही। मैच के टिकिट सिरिफ आरसीबी के आधिकारिक वेबसाइट अउ ऐप म ही मिलही।

खबर के मुताबिक दस मई के रायल चैलेंजर्स बैंगलुरु अउ मुंबई इंडियन्स के अउ तेरह मई रायल चैलेंजर्स बैंगलुरु अउ कोलकाता नाइट राइडर्स के बीच मुकाबला होही। दूनों मैच संझा साढ़े सात बजे ले सुरु होही।

ek/l e

, 4 , c +l | ek/l e di ky---

मौसम विभाग ह अवइया चौबीस घंटा के दौरान प्रदेश के एक—दू जघा म गरज—चमक के संग बरसा होय के अउ कुछेक जघा म अंधड़ चले के अउ आकाशीय बिजली गिरे के संभावना जताय हे। मौसम विभाग के अनुसार दक्षिण ओडिसा ले मन्नार के खाड़ी तक एक ठन द्रोणिका बने हे। एखर प्रभाव ले प्रदेश म बदली—बारिस के संभावना बनत हे।

